



UNIVERSITÄTS-  
BIBLIOTHEK  
PADERBORN

**Continuatio II. Romæ Sanctæ**

**Fabri, Augustinus**

**Augustæ Vind., Anno M.D.CC.XXX.**

No. LXXXVII. Leonardus Portia Forojuliensis Ex Ordine D. Benedicti  
Congregationis Cassinensis.

---

[urn:nbn:de:hbz:466:1-72647](https://nbn-resolving.de/urn:nbn:de:hbz:466:1-72647)





D Leander Porzia, Foroiulienfis, Ordinis Sancti Benedicti Congregationis Cassinenfis electus Epifcopo Bergomenfis S.R.E. Prebyster Cardinalis creatus à SS. DN. BENEDI CTOPAPA XIII. in Confiforio secreto habito post Semi publicum die 30. Aprili 1728.

87

Cum Grav. et Prud. Sac. Caz. May.

Ioh. Christoph. Kolb excudit. M.





No. LXXXVII.

# LEONARDUS PORTIA FOROJULIENSIS

Ex Ordine D. BENEDICTI Congregationis  
Cassinensis.



Eonardus Portia Ord. S. Benedicti Congregationis Cassinensis tit:  
S. Hieronymi S. R. E. Presbyter Cardinalis, Episcopus Bergamen-  
sis, Assistens Congregationum S. Officij, Rituum, Episcoporum,  
Regularium, & Immunitatis &c. Foro-julij ex illustrissima apud  
Foro-juliensis prosapia Portiarum ortus. Floruit summum hujus  
illustrissimae familie decus elapso saeculo Joannes Ferdinandus S.  
R.I. Princeps, & supremus in aula Imperatoria Praefectus anno 1606.

Patre natus Comite de Portia, ob insignia aerita in Serenissimam Austriacam domum  
Cæsareo Capitaneo Comitatus Görzensis, & Archi-Ducali in Hispaniam Legato, mox  
ubi per etatem licuit, ad aulam Archi-Ducis Ferdinandi postmodum Imperatoris II.  
translatus, Archi-Duci Joanni Carolo majori natu filio in cubiculi Ephebum adscil-  
cebat. Quo præmature demortuo, cum minori natu filio Ferdinando, deinde Im-  
peratore III. hujus nomine educabatur in litterarum studiis, & aulicis exercitiis ad-  
iunctus comes. In Italiam postea abiit altioribus Romæ scientiarum disciplinis im-  
buendus. Post aliquot annorum lapsum Viennam inde reversus à Ferdinando III.  
aulæ Camerarius, & Consiliarius celsi Regiminis Græcij in Styria constituebatur, &  
& non multo post Carniolæ Praefectus. Anno 1647. abiit cum altè fato Augustis-  
simo Presburgum ad Comitia, indéque Viennam ablegatus Archi-Ducissæ Mariæ  
Annæ Cæsaris filiæ firmatam eam inter & Philippum IV. Regem Hispaniarum de-  
sponsationem denunciavit. Paulo post Venetas Legatus Cæsareus destinabatur, An-  
no 1655. ab eodem Ferdinando III. intimus Consiliarius actualis denominabatur,  
paulò ante loco Marquardi Comitis Fuggeri Archi-Duci Leopoldo postmodum Im-  
peratori in primum aulæ Praefectum datus. Erat Archi-Duci adeò acceptus, ut 1558.  
Francofurti in Imperatorem electus, non attentis æmolorum obtreciationibus eum

Rr t

supre-

supremum Aulæ Prefectum intimum actualem Consiliarum , & primarium Ministrum denominârit. Philippus IV. in Equestrem aurei velleris cooptavit , quo deinde insigni ornamento transmisso , Imperator propriis manibus Pragæ eum condecoravit. Ad summa quæque pertractanda Regni negotia , & foedera inter Imperatorem & Reges Poloniae , & Daniae contra Turcas ineunda , atque connubia inter alterè dicatum Imperatorem , & Margaritham Philippi Regis Hispaniarum filiam confirmanda ejus in primis consilio & prudentiâ utebatur Augustissimus. Anno 1664. cum codent Augustissimo Ratisbonam ad Comitia profectus est , ubi , postquam anno 1662. iam S. R. I. Principis dignitate fuit insignitus , qua talis , suffragia , & sessionem inter S. R. I. Principes in Collegio Imperiali habenda admittebatur ad hanc 27. Aprilis anno 1664. ab Archiepiscopo Salisburgensi solenni ritu introductus. Adeò excelsa merita Illustrissimam Portianam Domum in sublime evexere , ut jam sui splendotis radios abscondere non liceat , sacrum Romanum Imperium non minus , quam exteris Regum , & Principum aulas , & nationes oblectantes. Tantæ Stirpis augmentum accessit , quando Fori-julium Leonardum nostrum , quo de loquimur , progenuit , præstantem ingenio , judiciô maturum , & ad summa quæque rerum publicarum , sed in primis Romanæ gerenda , unicè natum. Quare nativi sui splendoris quasi oblitus , eum sub obscurâ D. Benedicti in Monte Cassino ueste in prima adolescentiæ aurora abscondere , sed gratis , admitebatur. Non enim potest civitas abscondi supra montem posita. Et difficile admodum Lucerna ardens sub panno occultur , ut non per rimas porösque diffusa conspicatur. Nobilem suum Leonardus animum nobiliorem reddidit omnium , præcipue verò profundissimæ humilitatis virtutum ornamentis , quibus ancillas dedit sublimissimas scientiarum facultates adeò profundi haustras , ut videretur per quandam metamorphosin in eum immigrasse summus Theologorum phoenix Aquinatus Angelus , cuius præ cæteris tutissimam doctrinam amplexus , in maximum Doctorem Theologiaz evasit , ita ut omnium difficultatum nondis facili negotio solutis , commune oraculorum in Monte Cassino inter suos haberetur promptuarium , consiliorum Tripos , & scientiarum palatium. Cumque ab ejus ore doctissimi quoque Viri dependerent , omnium in se oculos , animosque convertit. Hinc & amorem & venerationem sibi conciliavit non neminis , nescij , an hac præ illo in tantum Virum utatur. Postquam omnia fermè suæ Religionis magis conspicua ministeria inoffenso pede celsa animi demissione , & morum amœnitate comiter obijsset , ab Innocentio XIII. Abbas Romæ ad S. Paulum , simûlque Consultor S. Officij , Examinator Episcoporum constituitur ob sua eximia merita , summam doctrinam , & insignem pietatem. Ut quidem in omni vita decursu , dictis , & factis probatissimæ virtutis specimina dedit , ita erat ardentissimæ Religionis in Deum , charitatis eximiae in proximum , affabilis cum se inferioribus , humanus ad æquales , reverentialis adversus superiores. Tantis , ac tam magnificis exornatus muneribus , singularem erga omnes exhibuit obsequendi animum , justitiam sine exemplo , prudentiam sine imitatione , modestiam sine affectatione. Testantur de tanti Viri clarissimo ingenio sapientia apicem attigisse insignia opera Theologica , quæ sine fastu , publico typo donata in lucem edidit , in plurimorum commoda , non tam intellectus aciem accuendi favore , quam voluntatis teporem in Deum accendendi amore. Somni parcissimus , diebus despontatis noctibus , laborum dotes in Orthodoxæ Reipublicæ ornamenti impendit ; Deum impensè colens , eo auspice gèavissima quæque , sue prudentiæ commissa negotia dexterime confecit. Maluit quidem latere semper sub facto regularis disciplinæ silentio in Monte Cassinensi , ubi exuta propria Persona se totum sub suavi obedientiæ jugo , suaque devovit Sanctissimo Archimandritæ , Patrumque Patri Benedictio , quam in aulis Principum soveri , atque mundanæ dignitatis fulgore emovere. Verum totius Catholicae Ecclesiaz summus Monarcha BENEDICTUS XIII. sapientissimorum Virorum amator , ac eximiarum virtutum fautor , voluit Leonardum Por-

Portia de Ecclesia Romana optimè meritum ad statum perfectionis evehere. Hinc  
Urbi Bergamensi in Episcopum datum, ipsum sua manu in Ecclesia P. P. Benedi-  
ctinorum S. Ambrosij in honorem supremi Numinis dicata, consecrare sibi compla-  
cuit, & 30. Aprilis 1728. sacro Purpuratorum Collegio Cardinalem creare. Quanta  
Vir iste planè aureus omnique exceptione major apud suam Sanctitatem in aestima-  
tione & amoribus fuerit, luculenter colligitur ex regali dono, quo sanctissimus Pa-  
ter Neo-purpuratum Ecclesiae Principem honorabat: nimurum, magnam illam, ac  
pretiosissimam ex solido, purissimoque auro conflatam crucifixi statuam, quam Re-  
verendissimus, ac Serenissimus S. R. I. Elector Coloniensis sanctissimo Patri in tesse-  
ram grati animi propter summam laborum dignationem, qua eum in Ecclesia F. F.  
Prædicatorum Viterbij (certè rara admodum summi Pontificis ex Urbe aliorum mo-  
tione) in Archiepiscopum consecravit, affectu plusquam paterno ipsi donavit. Men-  
sis sequentis die 15. Maij Neo-purpuratus Dynasta Episcopali jam insignitus chara-  
ctere, in sacra æde Sanctimonialium Ord. S. Benedicti ad S. Ambrosium, suum in  
Abbatiali dignitate successorem ad S. Paulum in Abbatem inauguraravit. En! secun-  
dum à Sua Sanctitate BENEDICTO XIII, ad Cardinalitiam dignitatem ex Monte  
Cassino ausplicacissime evecum. Sed non est mirum: est enim Ordo D. Benedicti  
in orbe Orthodoxo præstantissimus, seminarium totius perfectionis, qui Ecclesiæ  
Catholice plus quam triginta quinque summos Pontifices ut nihil dicam de maximo  
numero Cardinalium, & his inferiorum graduum, & dignitarum, enutritivit. Nu-  
mera stellas, si potes, & his splendidiora ex præfato Ordine ad triumphantis, & mi-  
litantis Ecclesiæ gloriae augmentum, orbem universum doctrinæ, & Sanctimonie ra-  
dijs illustrantia. Fatisce summorum eloquentia Oratorum, in laudando preclaris-  
tatorum Virorum gesta, peritissimorum Scriptorum calami hebetabuntur copia me-  
ritorum nnnquam ulla saeculorum successione emetendorum, felicissi-  
mae æternitatis diphtheram volunt, cum faustissima in margine  
nota: Leonardus Portia, dignus est Vaticani culmine.



Im-